

四庫全書

子部

欽定四庫全書

子部

薛氏醫案卷三十三至五

詳校官太醫院八品吏目臣黃發

編修臣倉聖脈覆勘

總校官原任中允臣王燕緒

校對官助教臣卜維吉

謄錄監生臣戴璵

謄錄舉人臣蔣雲師

欽定四庫全書

薛氏醫案卷三十三

明 薛己 訂

婦人良方

求嗣門

疾病既無須知  
求嗣故以次之

陳無擇求子論第一

有夫婦則有父子婚姻之後必求嗣續故古人謂不孝  
有三無後為大者言嗣續之至重也凡欲求子當先察

夫婦有無勞傷痼疾而依方調治使內外和平則有子矣

愚按丹溪先生云人之育胎者陽精之施也陰血能攝之精成其子血成其胞胎孕乃成今婦人無子者率由血少不足以攝精也血之少也固非一端然欲得子者必須補其精血使無虧欠乃可以成胎孕若泛用秦桂丸之劑薰戕臟腑血氣沸騰禍不旋踵矣竊謂婦人之不孕亦有因六淫七情之邪有傷衝任

或宿疾淹留傳遺臟腑或子宮虛冷或氣旺血衰或  
血中伏熱又有脾胃虛損不能營養衝任審此更當  
察其男子之形氣虛實何如有腎虛精弱不能融育  
成胎者有稟賦元弱氣血虛損者有嗜欲無度陰精  
衰憊者各當求其原而治之至于大要則當審男女  
之尺脈若左尺微細或虛大無力者用八味丸左尺  
洪大按之無力者用六味丸兩尺俱微細或浮大者  
用十補丸又巢氏謂夫妻年命制克墳墓不利者理

或有之若誤用辛熱燥血不惟無益反受其害

素不以

生育病愈後而得子者附于左

治驗

餘見醫學綱目求嗣部

一婦人月經淋瀝愈而生子

見一卷月水不斷

一婦人患陽氣虛寒愈而生子

見五卷冷勞第四症

一婦人患結核愈而生子

見二十四卷結核類第三症

一婦人稟弱經行腹痛愈而生子

見一卷經行腹痛

一婦人素虛弱患鶴膝風愈而生子

見二十四卷膝風

一婦人患瘰癧愈而生子

見二十四卷瘰癧一症

一婦人患繭蜃愈而生子

見二十四卷瘰癧第一症

褚尚書求男論第二

建平孝王妃姬皆麗無子擇民家未笄女子入御又無子問曰求男有道乎澄對曰合男女必當其年男雖十六而精通必三十而娶女雖十四而天癸至必二十而嫁皆欲陰陽完實然後交而孕孕而育育而子堅壯強壽今未笄之女天癸始至已近男色陰氣早洩未完而

傷未實而動是以交而不孕孕而不育而子脆不壽此王之所以無子也然婦人有所產皆女者有所產皆男者大王誠能訪求多男婦人至官府有男之道也王曰善未再期生六男夫老陽遇少陰老陰遇少陽亦有子之道也

無子論第三

又無子者其因有三一墳墓風水不利二夫婦年命相尅三夫婦疾病墳墓不利年命相尅此非藥力可致若



夫婦疾病必須藥餌然婦人無子或勞傷血氣或月經閉塞或崩漏帶下右尺浮則為陽絕或尺微瀆或少陰脈浮緊或尺寸俱微弱者皆致絕產若調攝失宜飲食不節乘風襲冷結於子臟亦令無子也

千金翼求子方論第四

論曰婦人之居幽閨類多血氣不調胎妊生產崩傷之異比之男子十倍難療其或七情失宜或飲食無度或胎瘡未愈而遽合或登廁風入陰戶便成痼疾若欲求

子交感之時必天日清明神思清爽氣血諧和與天德  
福德相合夫婦本命五行相生并本命帝旺而生者則  
壽而賢否則不可得也

交會禁忌第五

凡求子宜吉良日交會當避丙丁及弦望晦朔大風雨  
霧寒暑雷電霹靂天地昏冥日月無光虹蜺地動日月  
薄蝕及日月火光星辰神廟井竈園厠塚墓屍柩之傍  
若交會受胎多損父母生子殘疾夭枉愚頑不孝若交

會如法則生子福德智慧驗如影響可不慎哉

男子受胎時日法第六

凡男女受胎皆以婦人經絕一日三日五日為男仍遇月宿在貴宿日若以經絕後二日四日六日瀉精者皆女過六日皆不成胎又遇旺相日尤吉夜半入房生子者賢明貴壽餘時皆凶

推支干旺相日法第七

春甲乙夏丙丁秋庚辛冬壬癸春寅卯夏巳午秋申酉

冬亥子

推每月宿日第八

正月

初一初六初九初十十一十二十四二十一二十四

二十九日

二月

初四初七初八初九初十十二十四十九二十二

十七日

三月

初一初六初七初八初十十七二十二二十五日

四月

初三初四初五初六初八初十十五十八二十二  
二十八日

五月

初一初二初三初四初五初六初十十二十三十五  
十六二十二二十五二十八二十九三十日

六月

初一初三初十十三十八二十三二十六二十七二十八二十九日

七月

初十一十六二十一二十四二十五二十六二十七二十九日

八月

初五初八十三十八二十一二十二二十三二十四

二十五二十六日

九月

初三初六十一十六十九二十二十一二十二二十

四日

十月

初一初四初九十四十七十八十九二十二二十二

十九日

十一月

初一初六十一十四十五十六十七十九二十六二十九日

十二月

初四初九十二二十三十四十五十七二十四二十七  
日

若春合甲寅乙卯夏合丙午丁巳秋合庚申辛酉冬合  
壬子癸亥與上件月宿日合者佳

求子服藥須知第九



論曰夫人求子服藥須知次第男服七子散女服盪胞湯紫石英門冬丸及坐導藥則無不效矣

七子散 主丈夫氣虛精衰少無子

牡荊子 五味子 兔絲子 車前子 菡萏子

山藥 石斛 熟地黃 杜仲 鹿茸 遠志

各八分 附子 炮蛇床子 川芎 各六分 山茱萸 天雄

各五分 桂心 十分 白茯苓 牛膝 人參 黃芪 各五分

巴戟 十二分 菝葜 七分 鍾乳粉 八分

右為末每服錢許日二服酒調一方加覆盆子二錢  
慶雲散 主丈夫陽氣不足不能施化

覆盆子

五味子

各二升

兔絲子

一升

白朮

炒

石斛

各三

兩麥門冬

天雄

各九兩

紫石英

二兩

桑寄生

四兩

右為末食後酒服錢許日三服或米飲調冷去桑寄生加細辛四兩陽事少去石斛加檳榔十五箇

湯胞湯

治婦人全不產育

朴硝

牡丹皮

當歸

大黃

蒸飯久

桃仁

各三兩

細

細

辛 厚朴 苦梗 赤芍藥 人參 茯苓 桂

心 甘草 牛膝 陳皮 各二兩 附子 炮一兩半 蜚蟲

炒焦去翅足 水蛭 炒各十枚

右每服六錢酒水合盞半煎日三服夜一服少頃下  
血膿力弱者用一二服惡物不盡方用坐導藥

坐導藥 治婦人全不產及斷續更服湯胞湯

皂角 去皮一兩 吳茱萸 當歸 大黃 晉礬 枯 戎鹽

川椒 各二兩 五味子 細辛 乾薑 各三兩 一方無 茱萸有

葶藶苦瓠  
各三分

右為末以絹袋盛如指狀入陰中如欲小便去之一  
日仍易之如子宮有冷水天陰則痛須候下盡而止  
藥每日早晚用苦菜煎湯薰洗著藥後一日服紫石  
英丸

紫石英丸

紫石英

天門冬

各三兩

紫葳

牡蠣

各二兩

粉草

一兩

半桂心

川芎

卷柏

烏頭

炮

熟地黃

乾

辛夷

仁 禹餘糧

煎醋

當歸

石斛

各三兩

烏賊骨

牛

膝

薯蕷

各六分

桑寄生

人參

牡丹皮

乾薑

厚朴

續斷

食茱萸

細辛

各五分

栝子仁

一兩

右為末蜜丸桐子大每服二十九溫酒下

續嗣降生丹

治婦人五臟虛損子宮冷憊不能成孕

當歸

桂心

龍齒

烏藥

益智

杜仲

石

菖蒲

吳茱萸

各一兩半

茯神

牛膝

秦艽

細辛

桔梗

半夏

防風

白芍藥

各三錢

乾薑

一兩半生

半重一兩者作一窠入硃砂一錢濕麵裹煨為末川椒二兩焙牡礪二兩

童便浸四十九日却用硫黃末一兩醋調塗用紙裹之末醋潤濕鹽泥固濟用炭煨赤

右為末用糯米糊丸桐子大每服三十九至百丸空心淡醋溫酒鹽湯任下日二服及治男子精寒不固陽事衰弱白濁夢泄婦人帶下寒熱諸虛百損盜汗氣短預服此藥者無不感應

愚按前五方多慄悍之味治當審察病因不可輕用又秦桂養真白薇茺蔚地黃紫英石陽起石暖宮濟

陰丹湯藥數方尤為慄悍不可輕服未敢悉錄

竇禹鈞夜夢其亡祖父謂之曰汝緣無子又且不壽宜  
修善行自是佩服乃訓復夢祖父謂曰汝名掛天曹以  
有陰德特延筭三紀肩錫五子悉皆榮顯

張慶司獄惟務方便年五十始生子亨有一道人丐於  
門謂慶曰汝本無嗣今聞嬰兒聲非若子乎慶曰偶得  
一子道人曰信乎陰德未易量爾之積累善事非一朝  
一夕今不但有嗣又喜子孫文學之貴宜善保之後果

如其言

馮商其妻每勸置妻商取一女已成聞其父因官網運  
欠折鬻女以償之高惻然不忍犯更並以資裝送還其  
父明年生馮京後登狀元

馬默未有嗣知登州日奏活沙門島罪人不致枉死一  
日夢中見符使挾一男女乘空來其前呼曰爾本無嗣  
以活人數多上帝特賜男女各一言訖不見果如其言  
時邦美之父老而無子置一妾對暗室悲泣問之乃曰



父卒於官鬻妾欲辦喪耳時遂攜金偕往其家殯葬而歸未幾生邦美後舉進士官至吏部

袁韶父為郡吏年五旬置一妾乃宦家女也父歿家貧鬻而歸葬袁知其故即送還更以囊資益之明年生韶既長為叅知政事

馬涓之父無子置一妾聞其父喪官所無力歸葬故鬻此女即日訪其母而歸之且厚資助夜夢一羽衣曰天錫爾子慶流涓涓明年生一子因名曰涓既長及第

人之無嗣或因丈夫陽氣之不足不能施化或因婦人陰血衰憊百疾攻之以致然也故先賢立方垂訓以啟後人或者用計百端妾媵無數及皓首終身不能如其意者是皆心行有虧非命也苟能革心之非所行向善積德累功施恩布惠則上天之報施自然慶流後裔此溫隱居求嗣篇之所由作也予嘗讀聖朝為善陰騭書因覽竇禹鈞等數人所履皆言此事歷歷可鑑謹錄附贅于此以為求嗣者勸誠之一助云可爾

溫隱居求嗣保生篇第十

昔東京焦公三世無嫡嗣為商旅遊翫名山尋訪至人問其因至京都遇一老僧聲清而神朗談論甚異焦怪而問之曰貧家三世無嫡嗣柰何僧曰無嗣者有三一祖宗無德自身無行二夫妻年命恐犯禁忌三精神不守妻妾血寒焦公曰血寒有何法術願聞一言僧曰先修德後修身三年之後到臺山當授異方說畢忽不見焦一遵其言後赴五臺見一行童手持一書言曰老師

傳語大夫功成行滿賜方藥名續嗣降生丹依方服之  
當生富貴之子焦負外子生子不肖亦赴五臺見行童  
曰老師昨日見員外何必來問我但依爾父所行愚者  
自賢焦曰愚豈能賢乎行童曰昔竇氏五子皆不全形  
後行恩布德悉登科第焦氏拜謝而歸奉行雕板印施  
方書不及二十年子孫數人皆貴顯後人収得此行狀  
及方受持行用求藥者獲其子孫皆有德行余躬受此  
方不敢緘默併錄篇論以告諸賢庶不致異方湮沒耳

正統間合肥人羅某年六十無子因連坐謫保安州為  
民將至居庸解者逃回羅赴闕自告或者曰放流絕域  
人所不堪今解者既去君可無往也羅曰吾罪本為人  
所累使予歸復以此累人吾不忍也且皇法不可輕違  
遂至州夜有二盜疑其有所攜乃穿穴以取之其妻覺  
預置沸湯俟其入則沃之既穴二人將入羅起諭之乃  
去次日羅至市忽有二人俯伏道傍羅問之乃夜穿穴  
者也二人曰吾輩相戲幾被傷殞賴公曉諭二命得生

公所賜也後羅凡出外二人必為之守護未幾羅妻卒  
妻生一子任延安守一女適隆慶衛指揮使王欽

禮部尚書沈立齋云有二老一有子而富一無子而貧  
居址相鄰因居高岡其上有塋墓二老欲掘墓開窰以  
取利貧者以告其妻妻曰岡後有墓開以為窰不惟燒  
損地脈壞人風水且近墳穴不可為也遂已之富者開  
岡見尸則焚之後見骸骨甚多悉棄於水因致巨富乃  
起岑樓以蓄財物每夜家之眷屬皆居於上去其梯以

示賊不能犯不意賊有劉六者卒然晝至其屬不及登樓者則投井而死其登樓者被焚而死人以為焚尸於火棄尸於水之報也其貧者後致巨富生一子益其家業云

弘治間京師有黃剛者因無子每歲夏秋修合痢疾藥施之忽鄰里於靜夜聞人言黃公積善久矣送以一嗣後果有子

弘治間有張某自太醫院恩生仕至縣尹老而無子在

縣篤於惜民已而陞為郡守民深感其惠在郡生子亦德政之所致也

正德間夏誠字純夫吳江縣人錦衣衛籍中順天府鄉試任武城縣尹愛民甚篤因忤上司遂歸老於家舊民到京者懷其德惠憐其清苦莫不以財帛助之垂老得子後有繼其政者甚豐斂縣民於中途劫之子女皆被其害

黃善貧而無子傭工為業富民倪五命其開窰取土因



鋤土見尸棺以舊土揜之乃從遠地擔土而歸後倪貧而黃富亦開窰倪亦傭工於黃家黃甚惜之與之共食倪因患時瘡為人憎棄遂投水而死黃聞之遂收其尸而殯之遂有子且繼其富作善降祥信不誣矣竊聞之書曰惠迪吉從逆凶惟影響又曰作善降祥作惡降殃子之有無自王宮至於庶民亦在乎陰德而已豈可專泥於藥哉

薛氏醫案卷三十三

欽定四庫全書

薛氏醫案卷三十四

明薛己訂

婦人良方

胎教門

求嗣已明須知胎教故以次之

妊娠總論第一

巢氏病源論妊娠一月名胎胚足厥陰脈養之二月名始膏足少陽脈養之三月名始胎手心主脈養之當此

之時血不流行形象始化未有定儀因感而變欲子端  
正莊嚴常口談正言身行正事欲生男宜佩弦執弓矢  
欲生女宜佩韋施環珮欲子美好宜佩白玉欲子賢能  
宜看詩書是謂外象而內感者也四月始受水精以成  
其血脈手少陽脈養之五月始受火精以成其氣足太  
陰脈養之六月始受金精以成其筋足陽明脈養之七  
月始受木精以成其骨手太陰脈養之八月始受土精  
以成膚革手陽明脈養之九月始受石精以成毛髮足

少陰脈養之十月五臟六腑關節人神皆備此其大略也又五臟論有稱者婆者論一月如珠露二月如桃花三月男女分四月形象具五月筋骨成六月毛髮生七月遊其魂兒能動左手八月遊其魄兒能動右手九月三轉身十月受氣足更有顛顛經云一月為胎胞精血凝也二月為胎形成胎也三月陽神為三魂四月陰靈為七魄五月五行分五臟也六月六律定六腑也七月精開竅通光明也八月元神具降真靈也九月宮室羅

布以定生人也十月受氣足萬象成也今推究數說如  
五臟論者類皆淺鄙妄託其名至於三藏佛書且涉怪  
誕漫不可考今按顧願經三卷云中古巫方所撰其巢  
氏論妊娠至三月始胎之時欲談正言行正事佩弦韋  
執弓矢施環珮白玉讀詩書之類豈非胎教之理乎  
嘗試推巢氏所論云妊娠脈養之理若厥陰肝脈也足  
少陽膽脈也為一臟腑之經餘皆如此且四時之令必  
始於春木故十二經之養始於肝所以養胎在一月二

月手心主心胞絡脈也手少陽三焦脈也屬火而夏旺  
所以養胎在三月四月手少陰手太陽乃心脈也以君  
主之官無為而尊也足太陰脾脈也足陽明胃脈也屬  
土而旺長夏所以養胎在五月六月手太陰肺脈也手  
陽明大腸脈也屬金而旺秋所以養胎在七月八月足  
少陰腎脈也屬水而旺冬所以養胎在九月又況母之  
腎臟繫於胎是母之真氣子之所賴也至十月兒於母  
腹之中受足諸臟氣脈所養然後待時而生此論奧微

而有至理世更有明之者亦未有過於巢氏之論矣余因述其說

受形論第二

娘子即姪娘也故以後受形名篇并附其論

巢氏論曰陽施陰化精氣有餘兩胎有俱男俱女者道藏經云婦人月信止後一日三日五日值男女旺相日陽日陽時交合有孕多男若男女稟受皆壯則男子一或怯弱則少子顛顛經云陽盛發陰當孕成男六脈諸經皆舉其陰又云三陽所會則生男三陰所會則生女



葛仙翁肘後方云男從父氣女從母氣聖濟經云天之德地之氣陰陽之至和流薄於一體四氣而左動則屬陽陽資之則成男因氣而右動則屬陰陰資之則成女易稱乾道成男坤道成女此男女之別也凡妊娠有疾投以湯藥衰其大半而已使病去母安胎亦無損矣

愚按東垣丹溪云經水斷後一二日血海始淨精勝其血感者成男四五日後血脈已旺精不勝血感者成女蓋父精母血因感而會精之施也血能攝精故

成子此萬物資始於乾元也血之行也精不能攝故  
成女此萬物資生於坤元也陰陽交媾胚胎始凝所  
藏之處名曰子宮一系在下上有兩歧一達於左一  
達於右精勝其血則陽為之主受氣於左子宮而男  
形成精不勝血則陰為之主受氣於右子宮而女形  
成此二先生之確論也若夫妊娠藥餌宜禁當參本  
門考之

受形篇第三

褚氏云男女之合二精交暢陰血先至陽精後衝血開  
裹精精入為骨而男形成矣陽精先入陰血後參精開  
裹血血入為本而女形成矣陽氣聚面故男子面重溺  
死者必伏陰氣聚背故女子背重溺死者必仰走獸溺  
死仰伏皆然陰陽均至非男非女之身精血散分駢胎  
品胎之兆父少母老產女必羸母壯父衰生男必弱古  
之良工首察乎此氣受偏痺與之補之補羸女則養血  
壯脾補弱男則壯脾節色羸女宜及時而嫁弱男宜待

壯而婚此疾外所務之本不可不察也

論胎教第四

馬蒞卿先生

論曰胎教產圖之書不可謂之迂而不知信然亦不可狎犯之方今俚俗之家與不正之屬將息避忌畧不如儀或藥毒不消或產於風露無產厄而子母均安者亦倖有之若保胎之法須多方豫養方無後患如隣家有所興修亦或犯其胎氣令兒破形殞命如刀犯者形必傷泥犯者竅必塞打擊者色青黯繫縛者相拘攣如此

等驗有如指掌不可不慎也

孕元立本章第五

有泰初有泰始混沌一判既見氣矣故曰泰初既立形矣故曰泰始氣初形始天地相因生生化化品物彰矣故曰大哉乾元萬物資始至哉坤元萬物資生

吳視註云混沌未判則氣形俱混混沌既判則氣形已分既見氣矣是為太初既立形矣是為太始太初者凡有氣之所本故天得之以統元氣太始者凡有

形之所本故地得之以統元形天地交泰相因為氣  
形生生者得所以生化化者得所以化品物流行而  
形色名聲彰矣大哉乾元太初之所寓也故以萬物  
之資始為言至哉坤元太始之所寓也故以萬物資  
生為言惟萬物資始資生於乾坤故乾元則兆象至  
坤元然後形無不成

有生之初雖陽予之正育而充之必陰為之主

薛左丞註陰陽離合論曰天覆地載萬物方生未出

地者命曰陰處名曰陰中之陰出地者命曰陰中之陽陽予之正陰為之主王冰謂陽施正氣萬物方生陰為之主羣形乃立字說始而生之者天地也育而克之者人也

因形移易日改月化坤道之代終也

列子周穆篇尹文先生曰因形移易謂之化莊子曰予方篇混元曰消息盈虛一晦一明日改月化曰有所為而莫見其功易坤卦文言曰地道無成而代有

終也地之承天其無成而有終也豈迫於不得已耶  
蓋道之所在萬物失之則死得之則生有生之類聽  
命於此故無成而代有終者以道言之也

謂之姤陽既受始陰壬之也壬子謂之姤字說

壬一陽也二陰也陽既受始陰壬之而謂之姤解曰  
壬陽水之干也位在亥子之間陰至亥極矣陽復受  
始而謂之姤於壬至子然後生

謂之胞已為正陽陰包之也



已正陽也而陰能包之陰與陽更用事故也已者孟  
夏之月於卦為乾純陽用事故詩謂之正月正月者正  
陽之月也陰方用事而為物之主則雖正陽亦在正  
包而退聽焉

謂之坯未成為器猶云坯也

說文瓦未燒者謂之坯胎婦孕一月也字說坯未成  
為器猶坯也

謂之胎既食於母為口以也

說文胎婦孕二月也字說元胎既食於母為口以馬  
若娠則以時動也

字說女娠以時動

若懷則以身依之也

字說心所懷則身依焉目隸焉

天之德地之氣陰陽之至和相與流薄於一體

靈樞經曰天之在我者德地之在我者氣德流氣薄  
而生者也

唯能順時數謹人事勿動而傷則育之道得矣

自一月積之至於十月所謂時數也保衛輔翼防閑  
忌慎適其宜所謂人事也

觀四序之運生長收藏代出萬物儀則咸備而天地之  
氣未始或虧者蓋陰陽相養以相濟也

陰陽離合論曰天覆地載萬物方生陽予之正陰為  
之主故因春生因夏長因秋收因冬藏失常則天地  
四塞莊子天地篇曰流動而生物物生成理謂之形

形體保神各有儀則謂之性者曾不知此乃欲拂自然之理謬為求息之術方且推生死於五行斲補養於藥石以偽勝真以人助天雖或有子孕而不育有不壽者眾矣昔人論年老有子者男不過盡八八女不過盡七七則知氣血在人固自有量夫豈能逃陰陽之至數哉

天真論帝曰有其年已老而有子者何也岐伯曰此其天壽過度氣脈常通而腎氣有餘也此雖有子男不過

盡八八女不過盡七七而天地之精氣皆竭矣註雖老而生子子壽亦不能過天癸之數

凝形殊稟章第六

天地者形之大也陰陽者氣之大也惟形與氣相資而立未始偏廢

莊子則陽篇太公調曰天地者形之大者也陰陽者氣之大者也氣以形載形以氣克惟氣與形兩者相待故曰相資而立未始偏廢

男女構精萬物化生天地陰陽之形氣寓焉

係辭曰天地絪縕萬物化醇男女構精萬物化生

語七八之數七少陽也八少陰也相感而流通故女子  
二七天癸至男子二八而精通則以陰陽交合而兆始  
故也

岐伯曰女子二七而天癸至任脈通衝脈感月事以  
時下故能有子男子二八腎氣盛精氣溢瀉陰陽和  
故能有子傳曰女子十四有為人母之道四十九絕

生育之理男子十六有為人父之道六十四絕陽化  
之理

語九十之數九老陽也十老陰也相包而賦形故陰窮  
於十男能圍之陽窮於九女能方之則以陰陽相生而  
成終故也

字說陰窮於十圍之者男陽窮於九方之者女九有  
變也女足以方之十無變也男足以圍之解曰男有  
室所以圍陰於外女有家所以方陽於內易曰婦人

之吉從一而終也。夫子制義從婦凶也。圍圓也。君道也。夫道也。圓則可以制義而行方仁也。臣道也。婦道也。方則從一而已。男從圍與規從夫同意。女從仁與臣從仁同意。

元氣孕毓皆始於子。自子推之。男左旋積歲三十而至。己女右旋積歲二十而至。己己為正陽陰實從之。自己懷壬男左旋十月而生於寅。女右旋十月而生於申。申為三陰寅為三陽而生育之時著矣。其稟賦也。體有剛



柔脈有強弱氣有多寡血有盛衰皆一定而不易也

十九難曰男生於寅寅為木陽也女子生於申申為金陰也楊氏註云元氣起於子人之所生也男從子左行三十女從子右行二十俱至於巳為夫婦懷妊也古者男子三十女年二十然後行嫁娶十月而生者男從巳左行至寅為十月故男行年起於丙寅女從巳右行至申為十月故女行年起於壬申

以至分野異域則所產有多寡之宜吉事有祥則所夢

各應其類是故荆揚薄壤多女雍冀厚壤多男熊羆為男子之祥蛇虺為女子之祥是皆理之可推也

周官職方氏揚州其民三男五女荊州其民一男二女雍州其民三男二女冀州其民五男三女詩斯干篇名吉夢維何維熊維羆維虺維蛇大人占之維熊維羆男子之祥維虺維蛇女子之祥

胎化之法有所謂轉女為男者亦皆理之自然如食牡雞取陽精之全於天產者帶雄黃取陽精之全於地產

者

千金方轉女為男丹參丸用東門上雄雞頭又方取  
雄黃一兩縫囊盛帶之本草丹雄雞補虛溫中通神  
殺毒其肝補腎其冠血益陽雄黃人佩之鬼神不能  
近毒物不能傷

操弓矢藉斧斤取剛物之見於人事者氣類潛通造化  
密移必於三月兆形之先蓋方儀則未具陽可以勝陰  
變女為男理固然也

巢氏論云妊娠三月始胎形象始化未有定儀見物而變欲得男者操弓矢食雄雞

氣質生成章第七

具天地之性集萬物之靈陰陽平均氣質完備成其自爾然而奇耦異數有行有耗剛柔異用或強或羸血榮氣衛不能逃於消息盈虛之理則稟質之初詎可一槩論耶是以附贅垂疣駢拇枝指侏儒跛蹙形氣所賦有如此者瘡瘍癰腫龍首瘡瘕瘦瘠疲瘵氣形之病有如

此者然則胚胎造化之始精移氣變之後保衛輔翼固  
有道矣

孝經云天地之性人為貴書秦誓曰惟人萬物之靈  
天有五氣各有所湊地有五味各有所入所湊有節適  
所入有度量凡所畏忌悉知戒慎資物為養者理固然  
也故寢興以時出處以節

六節藏象論曰天食人以五氣地食人以五味王冰  
云天以五氣食人者臊氣湊肝焦氣湊心香氣湊脾

腥氣溱肺腐氣溱腎地以五味食人者酸味入肝苦  
味入心甘味入脾辛味入肺鹹味入腎也

可以高明可以周密使霧露風邪不得投間而入因時  
為養者理固然也故必調喜怒寡嗜慾

禮記月令仲夏之月可以居高明可以處臺榭脈要  
精微論云冬日在骨蟄蟲周密君子居室夏則順陽  
在上故可以高明冬則順陽氣之伏藏故可以周密  
作勞不妄而氣血從之皆所以保攝妊娠使諸邪不得

干馬

天真論岐伯曰上古之人其知道者不妄作勞故能形與神俱而盡終其天年通天論曰聖人陳陰陽筋脈和同骨體堅固氣血皆從

苟為不然方授受之時一失調養則內不足以為中之守外不足以為身之強氣形弗充而疾疚因之

脈要曰五臟者中之守也得守者生失守則死又曰五臟者身之強也得強則生失強則死

若食兔唇缺食犬無聲食雜魚而生瘡癬之屬皆以食物不戒之過也

孫真人養胎法云妊娠食兔肉令子缺唇食犬肉令子無音聲食乾鯉魚令子患瘡癬異法方論云食之使人熱中註云魚發瘡

心氣大驚而癩疾

奇病論帝曰人生而病癩疾者何岐伯曰名為胎病此得之在腹中時其母有所大驚氣上不下精氣并



居故令子癩為癩疾也

腎氣不足而解顱

巢氏云解顱者言小兒年雖長而顱門不合頭縫開解是皆由腎氣不成故也腎主骨髓而腦為髓海腎氣不成則腦髓不足不能成故頭顱開解

脾胃不和而羸瘦

巢氏曰夫羸瘦不生肌膚皆為脾胃不和不能飲食故血寒衰弱不能榮於肌膚也凡小兒在胎而遇寒

或生而伏熱皆令兒不能食故羸瘦也

心氣虛乏而神不足皆由氣血不調之故也誠能推而達之使邪氣無所乘茲乃生育相待而成者

病源曰肺主氣心主脈而血氣通榮臟腑循行經絡產則血氣傷損臟腑不足而心統領諸臟使其勞傷不足則令驚悸恍惚是心氣虛也

故曰天不人不因

法言云天不人不因人不天不成

轉女為男法第八

若婦女懷妊未滿三月男女未定形象未成故藥餌方術可以轉令生男者理或有之其法以斧置妊娠床下繫刃向下勿令人知恐不信試令雞抱卵時依此置窠下一窠盡出雄雞又自初覺有娠取弓弩絃縛婦人腰下滿百日去之此紫宮玉女秘法也又妊娠三月已前以雄雞尾尖上長毛三莖潛安婦人卧蓆下又取夫髮及手足甲潛安卧蓆下俱勿令知之又妊娠纔滿三月

要男者以雄黃半兩衣中帶之要女者以雌黃帶之以  
上諸法試之良有驗也

薛氏醫案卷三十四

欽定四庫全書

薛氏醫案卷三十五

明薛己訂

婦人良方

候胎門

脈例第一

王子亨云若妊娠其脈三部俱滑大而疾

在左則男經  
在右則女經

云陰搏陽別謂之有子搏者近也陰脈逼近於下陽脈

則出於上陽中見陽乃知陽施陰化法當有子又少陰脈動甚者妊子也手少陰屬心足少陰屬腎心主血腎主精精血交會投識於其間則有娠又三部脈浮沈正等無病者有妊也餘病如脈經說左手尺脈浮洪者為男胎也右手尺部浮洪者為女胎也兩手尺部俱洪者為兩男俱沈實者為兩女又云中指一跳一止者一月胎二跳二止者二月胎也

診婦人有妊歌第二

肝為血兮肺為氣血為榮兮氣為衛陰陽配偶不參差  
兩藏通和皆類例血衰氣旺定無妊血旺氣衰應有體  
肝藏血為榮屬陰肺主氣為衛屬陽陰陽配偶者是  
夫婦匹配偶合構精乃有子也若血少氣盛則無妊  
孕若血盛氣少則有孕也

寸微關滑尺帶數流利往來并雀啄小兒之脈已見形  
數月懷胎猶未覺

寸脈微關脈滑尺脈帶數及流利雀啄皆是經脈閉

塞不行成胎已上之脈皆是血多氣少之脈是懷小兒之脈已見形狀也

左疾為男右為女流利相通速來去兩手關脈大相應已形亦在前通語

左手脈疾為懷男右手脈疾為懷女及兩脈流行滑利相通疾速來去是或兩手關脈洪大相應是其胎已有形狀也

左脈帶縱兩箇男



縱者夫行乘妻水行乘火金行乘木即鬼賊脈也名也名曰縱見在左手則懷兩個男兒也

右手帶橫一雙女

橫者妻乘夫也是火行乘水木行乘金即所勝脈也名曰橫見于右手則懷一雙女兒也

左手脈逆生三男

逆者子乘母也是水行乘金火行乘木即已生脈也名曰逆見于左手則懷三個男兒也

右手脈順還三女

順者母乘子也是金行乘水木行乘火即生己之脈也名曰順見于右手則懷三個女兒也

寸關尺部皆相應一男一女分形證

寸關尺部脈大小遲疾相應者是懷一男一女形證之脈也謂關前為陽關後為陰陰陽脈相應故懷一男一女也

有時子死母身存或即母亡存子命

此二句之文無辯子母存亡之法

往來三部通流利滑數相參皆替替陽實陰虛脈得明  
遍滿胃堂皆逆氣

若寸關尺三部通行流利皆替替有力而滑數皆是  
陽實陰虛之脈主妊婦逆氣遍滿胃堂而不順也

左手太陽浮大男

左手寸口為太陽其脈浮大則是懷男子

右手太陰沈細女

右手寸口為太陰其脈沈細是懷女脈也

諸陽為男諸陰女指下分明長記取

諸陽脈皆為男即為大疾數滑實之類也當懷男子  
諸陰脈三即沈細之類是也當懷女子

三部沈正等無絕尺內不止真胎婦

寸關尺三部脈沈浮正直齊等舉按無絕斷及尺內  
舉按不止住者真的懷胎婦也

夫乘妻兮縱氣霧

經云縱者夫乘妻也水行乘火金行乘木即鬼賊脈也縱氣霧霧者露也又上下也謂夫之陽氣乘妻之陰氣二氣上下相逐如霧潤結子也

妻乘夫兮橫氣助

橫者妻乘夫也見前註謂兩傍橫氣相佐助也

子乘母兮逆氣參

逆者子乘母也謂子氣犯母氣相乘逆行之氣相參合也

母乘子兮順氣護

是母氣乘于子氣為順氣相護衛也凡胎聚縱橫逆順四氣以榮養方以成形也

小兒日足胎成聚身熱脈亂無所苦

婦人懷小兒五個月是以數足胎成就而結聚也必母身體壯熱當見脈息燥亂非病苦之症謂五月胎已成受火精以成氣故身熱脈亂是無病也

汗中不食吐逆時精神結備其中住

謂妊胎受五行精氣以成形稟二經以榮其母懷妊  
至五月其胎雖成其氣未備故胎氣未安上衝心胃  
則汗出不食吐逆名曰惡阻俗呼選飯唯思酸辛之  
味以調胎氣也

滑疾不散三月胎

妊娠三月名始胎此是未有定儀心胞脈養之故脈  
見滑疾流利為少氣多血不散為血氣盛則始結為  
胎也

但疾不散五月母

其脈但疾數而不散者是五個月懷胎之母也

弦緊牢強滑利安沈細而微歸泉路

孕婦之脈宜弦緊勞強滑利為安吉之脈若沈細而微謂脈與形不相應故云死也前文雖云太陰沈細又云諸陰為女其說似有相違謂三部脈皆不沈細及微故不同也

愚按前論與脈訣所云不同觀者當自推之



驗胎法第三

婦人經脈不行已經三月欲驗有胎川芎生為末空心  
濃煎艾湯調下二錢腹內微動則有胎也

胎殺避忌產前將護法第四

凡受孕之後切宜避忌胎殺所遊如經云刀犯者形必  
傷泥犯者竅必塞打擊者色青黯繫縛者相拘攣甚至  
母殞禍如反掌

月遊胎殺

立春在房床

驚蟄在戶

單扇

清明在門

雙扇

立夏在竈

芒種在母身

小暑在竈

立秋在碓

按京本云在正北方子云

白露在厨前

寒露在門

立冬在戶及厨

大雪在爐及竈

小寒在房母身

十干日遊胎殺

甲巳日占門

乙庚日占碓磨

丙辛日占井竈

丁壬日占厨解

戊癸日占米倉

十二支日遊胎殺

子丑日占中堂

寅卯辰酉日占竈

巳午日占門

未申日占籬下

戌亥日占房

六甲旬遊胎殺

甲子旬遊廳碓

甲戌旬遊正廳

甲申旬遊中庭

甲午旬遊房內

甲辰旬遊房中

甲寅旬遊

太史局日遊胎殺

每遇癸巳甲午乙未丙申丁酉五日在房內北庚子辛

丑壬寅三日在房內南

癸卯一日在房內西

甲辰乙巳丙午丁未四日在房內東

六戊六己日在房內中

餘日在外無占

凡遊在房內不宜于方位上安床帳及掃舍皆凶  
又有小兒殺及本年三殺及產母身黃定命皆不可犯  
凡妊娠之後將此貼于房內常照見之切不可穿鑿修  
掘移釘繫籬壁重物展壓之類犯之重則胎死腹中母  
亦不利輕則子受其殃成人之後必定破形拳擊跛縮  
瘖癡犯之極驗

食忌論第五

一受孕之後切宜忌不可食之物非惟有感動胎氣之

戒然于物理亦有厭忌者設或不能戒忌非特延月難產亦能令兒破形母損可不戒哉

食雞肉糯米合食令子生寸白蟲

食羊肝令子生多厄

食鯉魚鱠及雞子令兒成疳多瘡

食犬肉令子無聲音

食兔肉令子缺唇

食鼈令子項短及損胎

食鴨子共桑椹同食令子倒生心寒

食螃蟹令子橫生

食雀肉合豨醬食之令子面生黥黯黑子

食豨醬合藿香食之墮胎食水漿絕產

食雀肉令子不恥多淫

食山羊肉令子多病

食生薑令子多指生瘡

食蝦蟆鱓魚令兒瘖瘂

食驢騾馬肉延月難產

如此之類無不驗者則知聖人胎教之法矣

孕婦藥忌歌第六

蚺蚺水蛭地膽蟲

烏頭附子配天雄

躑躅野葛螻蛄類

烏啄側子及毒蟲

牛黃水銀并巴豆

大戟蛇蛻及蜈蚣

牛膝藜蘆及薏苡

金石錫粉并雌雄

牙硝芒硝牡丹桂

蜥蜴飛生及麝蟲



代赭 蚱蟬 胡粉 麝

莞花 薇 御草 三稜

槐子 牽牛 并 阜角

桃仁 蟻 螯 和 茅根

樺根 硃砂 與 乾漆

亭長 波流 茵草 中

瞿麥 蔞 茹 蟹 爪 甲

蝟皮 赤箭 赤頭 紅

馬刀 石蠶 衣 魚 等


半夏 南星 通草 同

乾薑 蒜 雞 及 雞 子

驢肉 兔肉 不須 供

切須 婦人 產前 忌

此歌 宜記 在心 膺



薛氏醫案卷三十五

欽定四庫全書

子部

薛氏醫案卷三十六

詳校官太醫院醫士臣 鈺依

編修臣 倉聖脈覆勘

總校官原任中允臣 王燕緒

校對官助教臣 卜維吉

謄錄舉人臣 蔣雲師

欽定四庫全書

薛氏醫案卷三十六

明薛己訂

婦人良方

妊娠疾病門

胎後已明須知妊娠疾病故以次之

妊娠諸病忌毒藥餘當對症依法治之

妊娠隨月服藥將息法第一

千金云妊娠一月名始胎飲食精熟酸美受御宜食大

麥母食腥辛是謂讒正是月足厥陰脈養不可針灸其  
經此經內屬于肝肝主筋血一月之內血行否澀不為  
力事寢必安靜毋令恐懼况一月陰陽新合為胎寒多  
為痛熱多卒驚舉重腰痛腹滿胞急卒有所下當預安  
之宜服烏雄雞湯

烏雄雞湯方

烏雄雞

一隻治  
如食法

吳茱萸

一兩 茯苓

阿膠

各二兩炒

生薑

甘草

各一兩

人參

芍藥

白朮

各三兩

麥門冬

五合  
去心

右以水一斗二升煮雞取汁六升下藥煮取三升內酒三升并膠等取汁三升分三服

補胎湯 若曾傷一月胎者當預服此藥

細辛一兩 防風二兩 烏梅升 吳茱萸 生地黃 白朮

各一兩 大麥五合 生薑四兩

右以水七升煮取汁二升半分三服寒多倍細辛茱萸熱多去細辛茱萸加括蔞根二兩有所思去大麥加栝子仁三合一方有人參一兩忌生菜蕪荳桃李

雀肉等物

妊娠二月足少陽脈養不可針灸其經此經內屬於膽  
膽主精是時兒精成于胞裡當謹護勿驚動况二月始  
陰陽踞經有寒不成有熱即萎卒中風寒有所動搖心  
滿臍下懸急腰背強痛卒有所下乍寒乍熱艾葉湯主  
之

艾葉湯方

丹參

三兩

當歸

人參

麻黃

去節

艾葉

阿膠

炙各

兩

甘草

一兩

大棗

十二枚

生薑

六兩

右以酒三升水一斛內藥煮減半去滓內膠煎取三升分三服忌海藻菘菜

黃連湯 若曾傷二月胎者當預服此藥

黃連

人參

各一兩

吳茱萸

五合

生地黄

五兩

生薑

三兩

右以醋漿七升煮取三升分四服日三夜一每十日作一劑若覺不安加烏梅一升加烏梅者不用漿直用水忌猪肉冷水蕪荑一方加當歸半兩



妊娠三月名始胎當此之時未有定儀見物而化欲生  
男者操弓矢欲生女者弄珠璣欲子美數視璧玉欲子  
賢良端正清虛是謂外象而內感者也是月手心主脈  
養不可鍼灸其經此經內屬于心母悲哀思慮驚動蓋  
三月為定形有寒則大便清有熱則小便難不赤即黃  
卒驚恐憂愁瞋恚喜頓仆動于經脈腹滿繞臍苦痛腰  
背痛卒有所下宜服雄雞湯

雄雞湯方

雄雞

一隻治  
如食法

甘草

炙

茯苓

人參

阿膠

各二  
兩炒

黃

苓

白朮

各一  
兩

芍藥

四  
兩

大棗

十二  
枚擘

生薑

一  
兩切

麥門

冬

去心  
五合

右以水一斗五升煮雞減半內藥煮取一半入清酒

三升并膠再煎取三升分三服日飲盡忌海藻松菜

酢物桃李雀肉等一方有當歸川芎二兩無黃芩生

薑

茯苓湯 若曾傷三月胎者當預服此藥

茯神 丹參 龍骨各一兩 阿膠炒 當歸 甘草炙

人參各二兩 赤小豆 大棗十二枚

右酢漿一斗煮取三升分四服七日後服一劑腰痛  
加桑寄生二兩深師方有薤白二兩麻子一升忌同  
前

妊娠四月以受水精始成血脈其食稻粳其羹魚鴈是  
謂成血氣以通耳目而行經絡是月手少陽脈養不可  
針灸其經此經內輸三焦其時兒六腑順成當靜形體

和心志節飲食蓋四月為離經有寒心下溫溫欲嘔胸  
滿不食小便如淋臍下苦急卒中風寒頸項強痛寒熱  
或驚動身軀腰背腹痛或時胎上胸煩不安卒有所下  
宜服菊花湯主之

### 菊花湯方

菊花

如雞子  
大一枚

麥門冬

去心  
一升

麻黃

去節

阿膠

炙各  
三兩

生薑

五兩甘草

炙

當歸

半夏

洗各  
二兩

人參

一兩  
五錢

大棗

十二  
枚擘

右以水八升煮減一半內清酒三升并阿膠煎取三

升分三服温卧當汗以粉撲之護風寒四五日忌食  
如前

調中湯

芍藥

四兩

甘草

炙

芎藭

續斷

各一兩

柴胡

白朮

各三

兩

烏梅

升一

李根白皮

三兩

當歸

一兩

生薑

四兩

厚朴

炙

枳實

炙各

二兩

右以水一斗煮取三升分四服日三夜一八日再服  
一劑一方有半夏二兩忌海藻菘菜桃李雀肉

妊娠五月始受人精以成其氣晏起沐浴浣衣居處必厚其衣裳朝吸天光以避寒殃其食稻麥其羹牛羊和菜菓調以五味是謂養氣以定五臟是月足太陰脈養不可鍼灸其經此經內輸于脾其時兒四肢成無大饑無甚飽無食乾燥無自炙熱無大勞倦蓋五月毛髮初生有熱苦頭眩心亂嘔吐有寒則腹滿痛小便數卒有恐怖四肢疼痛寒熱胎動無常處腹痛頓欲仆卒有所下宜服阿膠湯又名旋覆花湯主之

阿膠湯方

阿膠

四兩

人參

一兩

生薑

六兩

麥門冬

去心

吳茱萸

七合

旋覆花

當歸

芍藥

甘草

炙

黃芩

各二兩

右以水九升煮取一半內清酒三升并阿膠微火煎取三升半分四服日三夜一先食後服便愈不差更服忌海藻松菜

安中湯 若曾傷五月胎者當預服此方

甘草

炙

芍藥

各三兩

當歸

人參

生地黃

芎藭

各二  
兩 五味子合五 生薑六 麥門冬去心 大麻仁合五 大

棗

三十五  
枚 擘

黃芩

一兩

右以水七升清酒五升煮取三升半分四服日三夜  
一七日再服一劑忌如前

安胎當歸湯 若妊娠五月舉動愕胎不安小腹痛引  
腰絡小便下血

當歸

阿膠

炒

芎藭

人參

各一兩

大棗

十二枚

艾

一把

右以酒水各三升煮至三升去滓內膠令烊分三服



一方有甘草無參棗

妊娠六月始受金精以成筋身欲微勞無得靜處出遊  
于野數視走犬走馬食忌鷓鴣鳥猛獸之肉是謂變腠理  
紐筋以養其力以堅背脊是月足陽明脈養不可針灸  
其經此經內屬于胃主其口目蓋六月之時兒口目皆  
成調五味食甘美毋大飽六月卒有所不安寒熱往來  
腹內脹滿體腫驚怖忽有所下腹痛如欲產手足煩疼  
宜服麥門冬湯

麥門冬湯方

甘草

炙

人參

各一兩

生地黄

三兩

麥門冬

去心一升

黃芩

二兩

阿膠

炒四兩

生薑

六兩

大棗

十五枚擘

右以水七升煮減半內清酒二升并膠煎取三升分三服如人行三四里進糜粥忌海藻菘菜蕪蕒

柴胡湯 若曾傷六月胎者當預服之

柴胡

四兩

芍藥

一方作紫葳

白朮

甘草

炙各二兩

麥門冬

三兩

去心 茯苓

一兩 芎藭

二兩 生地黄

五兩 生薑

六兩 大棗

三十枚擘

右以水一斗煮取三升分四服日三夜一仍進糜粥  
七日更服一劑忌海藻松菜蕪萆桃李雀肉等一方

有黃芩二兩

旋覆花湯

亦名阻病

集驗療妊娠六七月胎不安常處

旋覆花

一兩

厚朴

製

白朮

枳殼

黃芩

炒 茯苓

兩 半夏

炒一兩

芍藥

生薑

各二兩

右以水一斗煮取二升半先食分五服日三夜二忌

羊肉錫醋桃李雀肉等千金同

妊娠七月始受木精以成骨勞身搖肢無使定止動作  
屈伸以運血氣自此後居處必節飲食避寒暑食粳稻  
以密腠理是謂養骨而堅齒是月手太陰脈養不可鍼  
灸其經此經內屬于肺主皮毛是時兒皮毛已成無大  
言無號哭無薄衣無洗浴無寒飲若忽驚恐搖動腹痛  
卒有所下手足厥陰脈若傷寒煩熱腹滿短氣常苦頸  
項腰背強宜服葱白湯

葱白湯方

葱白

十五枝

半夏

細切炒

麥門冬

去心一升

人參

一兩五錢

生薑

八兩甘草

炙當歸

黃芪

炒各三兩

阿膠

炒四兩

黃芩

一兩旋

覆花

一把握

右以水八升煮減半內清酒三升并膠煎取四升溫服一升日三夜一溫卧當汗出無汗加麻黃二兩秋後勿強汗忌羊肉餒海藻菘菜等

杏仁湯 若曾傷七月胎者當預服

杏仁

去雙仁皮尖碎

甘草

炙

鐘乳

研

麥門冬

去心

吳茱萸

各一

升  
五味子

粳米

各五合

紫苑

一兩

右以水八升煮取三升半分四服日三夜一七日服

一劑忌海藻松菜

妊娠八月始受土精以成膚革和心靜息無使氣極是  
謂周密腠理光澤顏色是月手陽明脈養不可針灸其  
經此經內屬于大腸大腸主九竅是時兒九竅皆成無  
食燥物無輒失食無忍大氣若中風寒有所犯觸身體  
盡痛乍寒乍熱胎動不安苦頭眩痛繞臍下寒時時小

便白如米汁或青或黃或寒慄腰背苦冷痛而目視茫  
茫宜服芍藥湯

芍藥湯方

芍藥

錢四

人參

當歸

甘草

炙各二兩

白朮

一兩

厚朴

二兩

製

薤白

升切一

生薑

兩切四

右以水五升酒四升煮取三升分四服日三夜一忌

海藻菘菜桃李雀肉等類

葵子湯 若曾傷八月胎者當預服

甘草炙 柴胡 白朮各二兩 厚朴薑製 芍藥 葵子

升二 生薑六兩 大棗二十枚

右以水九升煮取三升分四服日三夜一日服一劑  
忌猪肉冷水蕪荑桃李雀肉酢物等類

妊娠九月始受石精以成皮毛六腑百節莫不具備飲  
醴食甘緩帶自持而待之是謂養毛髮多才力是月足  
少陰脈所養不可針灸其經此經內屬于腎腎主續縷  
皆成無處溫冷無著灸衣若卒下痢腹滿懸急上衝腰



背痛不可轉側短氣宜服半夏湯

半夏湯方

半夏

炮炒五合

麥門冬

去心五合

乾薑

炮一兩

當歸

吳茱萸

阿膠

炙各三兩

大棗

十二枚擘

右以水九升煮取三升去渣內白蜜八合微火溫分

四服痢即止忌生血物飴

猪腎湯 若曾傷九月胎者當預服

猪腎

一具茯苓

桑寄生

乾薑

炮

生地黄

芎藭

各三兩

白朮

兩四

麥門冬

一升  
去心

附子

大者一枚  
北

右以水一斗煮猪腎熟去之內諸藥煎三升半分四服日三夜一十日更一劑忌猪肉蕪荑桃李雀肉酢物

妊娠十月五臟俱備六腑通納天地氣于丹田故使關節人事皆備但俟時而生

愚按妊娠所禁之法皆傳自上古當永為遵守其方藥用須斟酌

芎藭補中湯 治懷孕血氣不能榮養以致半產子嘗

治一妊娠不足月而損墜服此藥遂安

乾薑煨 阿膠炒 芎藭 五味子各五分 黃耆炒 當歸

白朮炒 杜仲炒 白芍藥各一錢 木香 人參 甘

草炙各五分

右水煎服

妊娠惡阻方論第二

妊娠惡阻病產寶謂之子病巢氏病源謂之惡阻由胃

氣怯弱中脘停痰脈息和順但肢體沈重頭眩擇食惟嗜酸醎甚者寒熱嘔吐胸膈煩滿半夏茯苓丸主之

愚按前症若中脘停痰用二陳湯加枳殼若飲食停滯用六君子加枳殼若脾胃虛弱用異功散若胃氣不足用人參橘皮湯無氣惱加枳殼胸脇痞悶再加蘇梗脇痛再加柴胡若飲食少思用六君子加紫蘇枳殼頭暈體倦用六君子湯若脾胃虛弱嘔吐不食用半夏茯苓湯蓋半夏乃健脾胃氣化痰滯之主藥也

脾胃虛弱而嘔吐或痰涎壅滯飲食少思胎不安必  
用茯苓半夏湯倍加白朮然半夏白朮茯苓陳皮砂  
仁善能安胎氣健脾胃子常用驗矣

附治驗

一妊婦嘔吐惡食體倦嗜卧此胃氣虛而惡阻也用  
人參橘皮湯二劑漸愈又用六君子加紫蘇二劑而  
安

一妊婦吞酸惡心時欲作嘔此因脾胃虛而飲食停

滯用六君子加枳殼香附治之而愈

一姪婦停食腹滿嘔吐吞酸作瀉不食余以為飲食  
停滯兼肝木傷脾土用六君子湯以健脾胃加蒼朮  
厚朴以消飲食吳茱萸所製黃連以清肝火諸症悉  
愈又以六君子加砂仁調理而脾土乃安

白朮湯 治胃虛惡阻吐水甚至十餘日粥漿不入

白朮

炒一錢

人參

五分

丁香

甘草

炒各二分

右薑水煎服

人參橘皮湯 治阻病嘔吐痰水飲食少思肢體倦怠

人參 橘紅 白朮炒 麥門冬去心 白茯苓各一錢 厚

朴製 甘草炙五分

右加竹薑水煎服

保生湯 治妊娠惡阻少食嘔吐或無吐瀉作渴

人參一錢 甘草炒 白朮 香附 烏梅 橘紅各五分

右薑水煎服

安胎飲 治體倦惡食或胎動腹痛或下血發熱

甘草

炒

茯苓

當歸

熟地黃

自製

川芎

白朮

炒

黃耆

炒

白芍藥

炒

半夏

湯泡

阿膠

切炒

地榆

各五分

右薑水煎服

又方縮砂仁為末每服二錢薑湯或米飲調下

附方

二陳湯

方見二十四卷第五論

六君子湯

方見二十四卷第六論

異功散

方見二十二卷第三論



半夏茯苓湯

方見後

妊娠痰逆不食方論第三

妊娠嘔逆者乃水飲停積為痰輕者妨食嘔逆甚者腹痛傷胎皆由胃氣不健或風冷外乘所致也

愚按前症因食停滯用半夏茯苓湯加枳殼無氣惱更加柴胡因痰壅滯用半夏茯苓湯加白朮因風寒外傷用參蘇飲飲食腹脹用香砂六君子湯寒熱嘔吐人參養胃湯

附治驗

一姪婦嘔吐脇脹或寒熱往來面色青黃此木旺而  
尅脾土用六君子加柴胡桔梗枳殼而安

一姪婦嘔吐酸水胸滿不食此脾土虛而肝木所侮  
用六君子加芍藥而愈又用四君子加枳殼桔梗而  
安

一姪婦胸腹膨脹吐痰不食此脾胃虛而飲食為痰  
用半夏茯苓湯漸愈又用六君子加枳殼蘇梗桔梗

而飲食如常後因恚怒脇脹不食吐痰惡心用半夏  
茯苓湯加柴胡山梔而愈

半夏茯苓湯 治妊娠脾胃虛弱飲食不化嘔吐不止

半夏

泡炒黃

陳皮

各一錢

白茯苓

二錢

砂仁

炒一錢

甘草

炒五分

分

右用薑棗烏梅水煎服一二劑後用茯苓丸

茯苓丸 治妊娠煩悶頭暈聞食吐逆或胸腹痞悶

赤茯苓

人參

桂心

乾薑

炮

半夏

泡洗炒黃

橘紅

各一  
兩 白朮 炒 葛根 甘草 炒 枳殼 炒 各  
二兩

右為末蜜丸桐子大每服五十九丸米飲下日三服

四七湯

方見十一卷第七論

附方

參蘇飲

方見六卷第十三論

六君子湯

四君子湯

香砂六君子湯

三方見二十四卷第六論

人參養胃湯

方見八卷第十八論

胎動不安方論第四

妊娠胎動或飲食起居或衝任風寒或跌仆擊觸或怒傷肝火或脾氣虛弱當各推其因而治之若因母病而胎動但治其母若因胎動而母病唯當安其胎輕者轉動不安重者必致傷墜若面赤舌青是兒死也面青舌赤吐沫是母死唇口色青兩邊沫出是母子俱死也察而治之

愚按前症胎氣鬱滯者用紫蘇飲脾氣虛弱者六君子湯加蘇殼鬱結傷脾者歸脾湯加柴梔鬱怒傷肝脾者四七湯加芎歸怒動肝火者加味小柴胡湯若胎已死急用平胃散加朴硝腐化之

### 附治驗

一妊婦內熱脯熱或兼寒熱飲食少思其胎或下墜或上攻此肝經血虛而火動耳先用加味道遙散數劑次用六君子加柴胡枳殼各數劑而愈

一妊婦因怒寒熱胸脇脹痛嘔吐不食狀如傷寒此  
怒動肝火脾氣受傷也用六君子加柴胡山梔枳殼  
牡丹皮而愈但內熱口乾用四君子加芎歸升麻柴  
胡而安

釣藤湯 治妊娠胎動腹痛面青冷汗氣欲絕者

釣藤鈎 當歸 茯神去木 人參各一錢 苦梗五分 桑

寄生一錢

右水煎服煩熱加石膏

黃耆湯 治氣虛胎動腹痛下水

糯米合黃耆炒川芎各一兩

右水煎分三服

順氣飲子 產前服之安胎

紫蘇葉 木香炮 人參 草豆蔻 茯苓各一兩 甘

草錢炒五 大腹子一兩氣弱不用

右每服三錢 苧根三寸 糯米少許 水煎服

安胎寄生湯 治妊娠下血或胎不安或腰腹作痛



桑寄生

白朮

各五分

茯苓

各四分甘草

一錢

右水煎服

又方好銀煮取水入葱白作羹食之

又方川芎二兩葱白五兩水三碗煮二碗半分三服

四物湯加熟艾阿膠茯苓或芎藭補中湯杜仲丸皆妙

方並見前

附方

紫蘇飲

方見十二卷第八論

六君子湯

四君子湯

二方見二十四卷第六論

加味小柴胡湯

方見二十四卷第二論

平胃散

方見七卷第十八論

加味逍遙散

歸脾湯

二方見二十四卷第四論

妊娠漏胎下血方論第五

妊娠經水時下此由衝任氣虛不能約制蓋心小腸二

經相為表裏上為乳汁下為月水故妊娠經水壅之以  
養胎蓄之以為乳若經水時下名曰胞漏血盡則斃矣  
愚按前症若因風熱用防風黃芩丸若因血熱用加  
味逍遙散若因血虛用二黃散若因血去太多用八  
珍湯未應補中益氣湯若因肝火用柴胡山梔散若  
因脾火用加味歸脾湯若因事下血作痛用八珍湯  
加阿膠熟艾若因脾胃虛弱用補中益氣湯加五味  
子若因脾胃虛陷用前湯倍用升麻柴胡若脯熱內

熱宜用逍遙散

附治驗方藥

一妊婦下血服涼血之藥下血益甚食少體倦此脾氣虛而不能攝血余用補中益氣湯而愈後因怒而寒熱其血仍下此肝火旺而血沸騰用加味逍遙散血止用補中益氣湯而安

一妊婦下血發熱作渴食少體倦屬脾氣虛而肝火所侮用四君子加柴胡山梔血止因怒復作用六君

子加柴胡山梔升麻而安

二黃散 治胎漏下血或內熱晡熱或頭痛頭暈或煩躁作渴或脇肋脹痛等症

生地黄 熟地黄製自

右為末每服三錢煎白朮枳殼湯調下二黃須杵膏為丸庶藥不枯槁而有力也

防風黃芩丸 方見後

加味歸脾湯

加味道遙散

八珍湯 三方見二十四卷第四論

四君子湯

補中益氣湯

六君子湯 三方見二十四卷第六論

柴胡山梔散 方見二十四卷第三論

妊娠卒然下血方論第六

妊娠下血因冷熱不調七情失宜氣血不和所致若傷

于胎則痛而下血甚則胎墮矣

愚按前症若因氣怒用小柴胡湯若因風熱用一味防風丸若因血熱用一味子芩丸若因脾氣虛弱用六君子湯若因中氣下陷用補中益氣湯若氣血盛而下血者乃因兒小飲少也不必服藥

附治驗

一妊婦六月每怒下血甚至寒熱頭痛脇脹腹疼作嘔少食余謂寒熱頭痛乃肝火上衝脇脹腹痛乃肝

氣不行作嘔少食乃肝侮脾胃小便下血乃肝火血  
熱用小柴胡加芍藥炒黑山梔茯苓白朮而愈

一妊婦六月體倦食少勞役下血用六君子加當歸  
熟地升麻柴胡而愈

安胎散 治卒然腰痛下血

熟地黃白艾葉 白芍藥炒 川芎 黃耆炒 阿膠

炒 當歸 甘草炒 地榆各五分

右薑棗水煎服



附方

子芩丸 治肝經有熱妄行用細條黃芩炒為末每服一錢以秤錘燒赤碎酒熱調服若脾胃虛不宜用

防風丸 治肝經有風以致血得風而流散不歸經用防風為末每服一錢白湯調服

防風黃芩丸 治肝經有風熱致血崩便血尿血用條芩炒焦防風等分為末酒糊丸桐子大每服三五十丸食遠或食前米飲或溫酒送下

小柴胡湯

方見二十四卷第二論

六君子湯

補中益氣湯

二方見二十四卷第六論

妊娠驚胎及僵仆方論第七

妊娠驚胎者乃懷妊將滿胎神已具墜仆傷胎甚至下血不醒若欲驗其子母安否當參第四論治之

愚按前症或因怒跌仆或手足抽搐用釣藤湯若因氣滯用紫蘇飲若因脾胃氣虛用六君子加蘇梗若

鬱結傷脾用歸脾湯若鬱怒傷肝脾用四七湯加芎

歸若去血過多用佛手散如不應膠艾湯氣血虛八

珍加膠艾

神妙佛手散 治胎痛服之即安胎損服之立下

即芎歸湯

當歸

川芎

各五錢

右水酒煎血崩昏暈用水煎服

治妊娠從高墜下腹痛下血

生地黃

二錢

益母草

二錢

當歸

黃耆

炒各

一錢

右薑水煎服

膠艾湯 治妊娠頓仆胎動不安腰腹疼痛或胎上搶

或去血腹痛

阿膠

一兩

熟艾葉

數莖

右以水三碗煮取二碗分三服

又方川芎末二錢酒下二三服胎生即安胎死即下

又方失所胎動或子煩飲竹瀝一升立愈

又方縮砂和皮炒為末每服二錢米飲下腹熱即安

秦朮湯

方見前

安胎散

治頓仆胎動腰腹痛

方見前

附方

四七湯

治七情鬱結成痰或如梅核鯁于喉間或中

脘停痰氣痞或痰壅氣喘或痰飲中脘嘔逆惡心

紫蘇葉

厚朴

薑製

茯苓

各一錢

半夏

薑製一錢五分

右加薑棗水煎白濁送青州白丸子極妙

加味四物湯

治症同前

又方治寒邪所犯心腹作痛

桂枝

芍藥

炒

半夏

各一錢

茯苓

厚朴

薑製

枳殼

炒

甘草

炒各五分

人參

紫蘇

各一錢

右薑棗水煎服

釣藤湯

方見前

紫蘇飲

方見後

六君子湯

方見二十四卷第六論

歸脾湯

八珍湯

二方見二十四卷第四論

妊娠胎上逼方論第八

妊娠將養如法則血氣調和胎得其所而產亦易否則胎動氣逆臨產亦難甚至危矣

愚按前症若氣逆胎上用紫蘇飲飲食不甘無以四君子若內熱晡熱無以逍遙散若胃火所致用四君子黃芩枳殼柴梔若脾鬱所致用歸脾湯加柴梔枳殼

附治驗

一妊婦每因恚怒其胎上逼左關脈弦洪乃肝火內動用小柴胡加茯苓枳殼山梔而愈但體倦不食用六君子調養脾土加柴胡枳殼調和肝氣乃瘥

一妊婦胎上逼胸滿噯氣飲食少思此脾氣鬱滯用紫蘇飲頓安又用四君子加枳殼柴胡山梔而瘥

紫蘇飲 治子懸腹痛或臨產驚恐氣結連日不下或大小便不利



當歸

甘草

炒

大腹皮

黑豆浸水泡

人參

川芎

橘

皮

白芍藥

炒各五分

紫蘇

錢一

右薑蔥水煎。一孕婦累日不產，催藥不驗，此坐草太早，心懷畏懼，氣結而血不行也。用前飲一服，便產。一婦人孕七月，止衝腹痛，面不赤，舌不青，乃子懸也。亦用前飲而胎母俱安。

當歸湯

治胎動煩躁，或生理不順，唇口青黑，手足厥

冷

當歸

人參

阿膠

炒甘草

炒各一錢

連根葱白

握一

右水四碗煎四味至半去滓下葱煎至一碗分二服

大聖散 治妊娠忪悸夢驚心腹脹滿連臍急痛

白茯苓

川芎

麥門冬

去心黃耆

炒當歸

各一錢人

參

甘草

炒木香

各五分

右薑水煎服

又方 治胎上逼熱痛下血或煩悶困篤用葱二十莖

水濃煮飲胎未死即安胎已死即下未效再服若唇

口青黑手足厥冷須佐以當歸湯

白朮湯

治遍身痛或衝心痛欲死

方見後

附方

四君子湯

六君子湯

二方見二十四卷第六論

逍遙散

歸脾湯

二方見二十四卷第四論

小柴胡湯

方見二十四卷第二論

妊娠下如豆汁胎動腹痛方第九

愚按前症肝脾濕熱用升陽除濕湯肝脾風熱用加  
味逍遙散肝脾鬱怒用加味歸脾湯脾胃氣虛用錢  
氏白朮散若脾氣下陷用補中益氣湯肝經風熱用  
防風黃芩丸風入腸胃用胃風湯

附治驗

一妊婦因怒胸膈不利飲食少思服消導順氣之劑  
脾胃愈弱飲食愈少大便不實且無度久而便黃水

或帶白視其面色黃中隱白余曰黃色脾虛也白色  
肺虛也朝以補中益氣湯升補胃氣夕以六君子湯  
培補脾氣而愈

治妊娠忽然下如豆汁等物或胎動腹痛

糯米升五黃耆炒六

右水煎分四服

補遺用野苧根二兩好銀三五兩或金銀首飾水酒各  
半煎服

附方

胃風湯 治風邪乘虛客于腸胃水穀不化泄瀉下注  
腹脇虛滿腸鳴作痛及腸胃虛熱下如豆汁或瘀血

日夜無度

方見第八卷第十論

東垣升陽除濕湯 治婦人女子漏下惡血月事不調  
或暴崩不止多下水漿之物皆由飲食失節或勞傷  
形體或素患心氣不足因飲食勞倦致令心火乘脾  
其脈緩而弦惡按之洪大皆脾土受邪也

柴胡 羌活 蒼朮 黃耆炒各一錢五分 防風 甘草

炙升麻 藁本各一錢 蔓荊子七分 獨活 當歸各五分

右水煎食前服

加味道遙散

加味歸脾湯二方見二十四卷第四論

防風黃芩丸方見前

補中益氣湯

六君子湯二方見二十四卷第六論

錢氏白朮散

方見二十一卷第二論

妊娠誤服毒藥胎動方第十

愚按前症若因毒藥用甘草黑豆淡竹葉若因頓仆  
用阿膠散未應煎送知母丸若因頓仆下血腹痛用  
佛手散未應用八珍湯送知母丸血出過多用八珍  
湯斤許益母草四兩水煎徐徐與服若胎死以朴硝  
或平胃散下之

奪命丹 治小產或毒藥唇口爪青黑其胎已死



牡丹皮 白茯苓 桂心 赤芍藥各為末 桃仁去皮

尖研  
如泥

右等分蜜丸彈子大每服一九醋湯速進兩九立愈

阿膠散 治妊娠跌仆或毒藥致胎不安

熟地黄二錢  
白製 白芍藥 艾葉 當歸 甘草炒 阿

膠炒 黃耆炒各  
一錢

右薑棗水煎服

藥毒胎動甘草烏豆淡竹葉等分用水濃煎服

附方

知母丸

又名一母丸方見十三卷第九論

佛手散

方見前

八珍湯

方見二十四卷第四論

平胃散

方見八卷第十八論

妊娠心痛方論第十一

妊娠心痛乃風邪痰飲交結若傷心正經為真心痛朝發夕死夕發旦死若傷心支絡則乍安乍作若傷于子

臟則胎動而血下

愚按前症若飲食所傷用平胃散加枳殼山查若因錯雜諸邪當審其因而治之

附治驗

一妊婦心痛煩熱作渴用白朮散即愈後因停食其痛仍作胸腹膨滿按之則痛此因飲食停滯用人參養胃湯按之不痛乃脾胃受傷以六君子補之而愈

一妊婦心腹作痛胸脇作脹吞酸不食此肝脾氣滯

用二陳山查山梔青皮木香而愈又因怒仍痛胎動  
不食面色青黃肝脈弦緊脾脈弦長此肝乘其土用  
六君子湯加升麻柴胡木香而愈

治妊婦卒心痛氣欲絕

川芎 當歸 茯苓 厚朴

製各一錢

右水煎服

白朮湯 治妊娠內熱心痛

白朮

錢四

赤芍藥

錢三

黃芩

炒二錢

右水煎忌桃李雀肉

雷公炮炙論云心痛欲死急覓延胡

又方青竹茹一升酒二升煮二升分二服

又方破雞子一枚調酒服之

紫蘇飲

方見前

附方

人參養胃湯

平胃散

二方見七卷第十八論

二陳湯

方見二十四卷第五論

六君子湯

方見二十四卷第六論

妊娠心腹痛方論第十二

妊娠心腹痛或宿有冷疾或新觸風寒或痰飲相搏若痛傷胞絡必致動胎甚則傷墮

愚按前症若風寒痰飲用金沸草散胎氣鬱滯加香附川芎若飲食停滯用六君子加紫蘇枳殼若怒動肝火用前藥更加柴胡山梔若鬱結傷脾用歸脾湯

加枳殼山梔

附治驗

一妊婦心腹作痛吐痰惡心胎氣上攻飲食少思此  
脾虛氣滯而為痰用六君子加柴胡枳殼諸症漸退  
飲食漸進又用四君子加枳殼山梔桔梗而安後因  
怒兩脇氣脹中脘作痛惡寒嘔吐用六君子加柴胡  
升麻木香一劑而愈

當歸芍藥湯 治妊娘心腹急痛或去血過多而眩暈

白芍藥炒 當歸 茯苓 白朮炒 澤瀉各一錢 川芎

錢二

右水煎服

阿膠散 治胎動腹痛

白茯苓 白朮炒 川芎 阿膠各一錢炒 當歸 陳皮

各二錢 甘草炒三錢

右水薑棗煎服

治胎動腹痛欲落上等銀一斤茅根二斤去黑皮水五



碗煮取三碗入清酒一碗并茅根煎數沸徐徐服立  
安金銀首飾亦可

附方

金沸草散

方見六卷第十二論

紫蘇飲

方見前

四君子湯

六君子湯

二方見二十四卷第六論

歸脾湯

方見二十四卷第六論

妊娠中惡方論第十三

妊娠若忽然心痛悶絕欲死者謂之中惡蓋因氣血不足精神衰弱故邪毒得以中之也

愚按前症當調補正氣為善用金銀藤一味煎湯飲之

又方治前症

生地黃

二錢

枳殼

一錢

木香

三分

右酒煎服

又方苦梗一兩薑半兩水煎服

又方心腹痛或吐血衄血熟艾如拳大煮汁服

又方用鹽一盞水調服以冷水噀之吐出即安

又方竈心土為末每服二錢白湯調

妊娠腰腹背痛方論第十四

腎主腰足因勞役傷損其經以致風冷乘之腰腹相引而痛蓋婦人腎以繫胞妊娠痛甚則胎墮也

愚按前症若外邪所傷用獨活寄生湯勞傷元氣用

八珍杜仲砂仁膠艾脾腎不足以前藥加白朮補骨  
脂氣血鬱滯用紫蘇飲加桔梗枳殼肝火所動用小  
柴胡湯加白朮枳殼山梔肝脾鬱結用歸脾湯加柴  
胡枳殼

附治驗

一妊婦頸項強直腰背作痛此膀胱經風邪所致用  
拔萃羌活湯一劑而愈又用獨活寄生湯及八珍湯  
以祛邪固本而痊

通氣散 治腎虛腰痛神妙破故紙炒為末空心每服  
二錢嚼核桃肉半個以溫酒下

杜仲丸 治妊娠腰背痛杜仲炒續斷酒浸等分為末  
煮棗肉丸桐子大每服七十九酒下米飲亦可

膠艾湯 治腰腹疼痛胎動欲落即前妊娠下血補遺  
內安胎散

附方

獨活寄生湯 方見四卷第七論

八珍湯

歸脾湯

二方見二十四卷第四論

紫蘇飲

方見前

小柴胡湯

方見二十四卷第二論

羌活勝濕湯

方見四卷第一論

妊娠小腹痛方論第十五

妊娠小腹痛由胞絡虛風寒相搏痛甚亦令胎動也

愚按前症若風寒所搏用紫蘇飲加生薑氣血虛用

八珍湯脾氣虛用六君子湯中氣虛用補中益氣湯  
若腹脹痛用安胎飲加升麻白朮不應兼補中益氣  
湯

附治驗方藥

一妊婦小腹作痛其胎不安氣攻左右或時逆上小  
便不利用小柴胡湯加青皮山梔清肝火而愈後因  
怒小腹脹滿小便不利水道重墜胎仍不安此亦肝  
木熾盛所致用龍膽瀉肝湯一劑諸症頓愈乃以四

君子加柴胡升麻以培脾土而安

紫蘇飲

方見前

八珍湯

方見二十四卷第四論

四君子湯

六君子湯

補中益氣湯

三方見二十四卷第六論

安胎飲

方見前

小柴胡湯

方見二十四卷第二論



龍膽瀉肝湯

方見二十四卷第八論

妊娠心腹脹滿方論第十六

夫妊娠心腹脹滿者由脾胃虛寒復因冷飲相搏所致也

愚按前症若外感風寒內傷飲食用藿香正氣散若食傷脾胃用六君子湯若陽氣壅滯用紫蘇飲

附治驗

一妊婦飲食停滯心腹脹滿或用人參養胃湯加青

皮山查枳殼其脹益甚其胎上攻惡心不食右關脈  
浮大按之則弦此脾土不足肝木所侮余用六君子  
加柴胡升麻而愈後小腹痞悶用補中益氣湯升舉  
脾氣乃瘥

下氣湯 治心腹兩脇脹悶飲食少思四肢無力

羌活 赤芍藥炒 甘草炒 檳榔 青皮 大腹皮

桑白皮炒 赤茯苓 半夏製 陳皮各五分 桂心二分 紫

蘇莖一錢

右水煎服

局方枳殼散保風散紫蘇飲藿香正氣散皆良

附方

六君子湯

補中益氣湯

二方見二十四卷第六論

人參養胃湯

方見七卷第十八論

薛氏醫案卷三十六